



# ШЫН

НИИТИЛЕЛ-ПОЛИТИКТИГ СОЛУН

Национальная библиотека  
Республики Тыва им. А.С. Пушкина  
СЕКТОР  
ГОБИНТКУЛЬТУРЫ  
1925 чылдың  
август 31-де  
үнүп эгелээн  
№ 96 (16869)  
2004 чылдың  
июль 6,  
вторник  
Номерни парлалгаже  
дужааганы:  
график езугаар — 21.00,  
херек кырында — 17.30.  
Садар өртээ 3 рубль.

## БАЙ-ТАЙГА — ЧОРГААРАЛЫВЫС



### ТӨЛЕНТИГ УТКУУР БИС



Дугар-оол ХЕРТЕК,  
кожуун чагыргазының  
даргазы.

Кожуунуң бо чылгы социал-экономиктиг хөгжүлдезиниң баш бурунгаар көрдүнгөн сан-чурагайлары, бюджети болгаш өске-даа кылып чорудуп турар бүгү-ле ажыл-чорудулгазы Тываның Россияның составына каттышканының 60 чылының база Кызыл хоорайның тургустунганының 90 чылының байырлалдарын эки көргүзүлгелериг уткуурунче угланган. Ону чогумчалыг удуртуру-биле кожуунга байырлалды белеткээр болгаш эрттирер организациястыг комитетти тургускан, ол хүн бүрү ажылдап турар.

аян-шинчи кири каастап-шимээрин доозар бис.

Өөредилге, культура, эмнелге болгаш өске-даа албан черлериниң септелгезин юбилейлиг чылда шынарлыг чорудар дээш ажыл-иш кожуунда калбарган. Школаларның септелгезин экижидери-биле албан черлериниң удуртукчулары болгаш ажылдакчылары эки тура-биле шалыңының бир хуузун шилчидерин шийтирилээн, амгы үеде чүс ажыг муң рубль кирген, ону септелгеге чарыгдар. Ниитизи-биле чайгы септелге кожуунда организациястыг чоруп турар. Тудуга болгаш септелге ажылдарын чорударына ыяш материалдары кончуг чугула болуп келген. Ону барымдаалааш, ыяш дилер пилорамаларны санын көвүдеткен бис. Шуй, Кызыл-Даг сумуларында, кожуун төвүнде пилорамалар чогумчалыг ажылдап турар. Бодувустун хереглеливистен ыяш материалдарын хөйүн бүдүрүп алгаш, ону хереглээн кожуннарга садарын моон соңгаар организастаар бис.

Суурларже, аржааннарже, малчын коданнарже баар авторуктарны септээр, көвүрүлгелерни тудар хемчеглерни эрт-

көн чылдардан элээн экижиткен. Шуйда Дустуг-Хем аржааны-биле аргыжар, Бай-Талда Хемчикти кежир малчын коданнар баар, Кызыл-Дагда Оорук көвүрүлгелерин ажылгалда кириген. Оларны тударына акша-көпеекти кожуун бюджетинден чогуур үезинде үндүрүп берген. Ынчангаш бо девискээрлер-биле аргыжарына таарымчалыг байдал тургустунган.

Сөөлгү үеде тудуг ажылы кожуунда чоруп турар. Бо чылын Шуйга музыка школазының, Тээлиде АТБ-ниң тудуглары эгелээн. Шуйнун музыка школазының тудуунга хереглээр материалдарны тывар, чагыр дээш Абакан, Абаза четкеш келдим, чорук-херек бүткен, ажыл шуудап чоруур. АТБ биле МТС кады турар, ынчангаш ол улуг тудуг болуп турар, ону айыткан хуусаазында доозар дээш хемчеглерни алыр. Чуртталга тудуглары кожуунда чоруп турар. «Көдээниң социал хөгжүлдези» деп программаның шугуму-биле он ажыг чуртталга бажынын тудары көрдүнүп турар. Чурттакчы чон боттарының күсели-биле бажынарны тудуп алырын сөөлгү чылдарда көвүдеткен, оларны деткип турар бис.

(Уланчызы 4-кү арында).

### Чазак Даргазының ажыл-албаны

#### КЫШКА БЕЛЕТКЕЛИН КӨРГЕН

Тыва Республиканың Чазак Даргазы Шериг-оол Ооржак Чеди-Хөл кожуунга чедип, кышка белеткел ажылдарын хынап көргөн.

Септелге ажылдары график езугаар чоруп турар-даа бол, эң берге айтырыг — ажылчыннарның акша-шалың өрөзи бооп турар. Чоокта чаа ажылчыннар чүгле апрель айның аванс акшазын алган. Май, июнь айларның шалың өрөзи, ол ышкаш «Тувкоммунэнерго» организациясы турда-ла, 6 млн. хире рубль өрөзи бо хүннерге чедир дулгаттынмаан.

Чеди-Хөл кожуунун чылыг-электри төвүнде бо хүннерде 4,5 дугаар суугуларның септелгези чоруп турар. 2 км изиг бус, чылыг дамчыдар хоорзаларның 300 метрин септел дооскан. Хову-Аксы суурнун иштинде чылыг дамчыдар хоорзаларны септээр база көрдүнгөн.

Тыва Республиканың Чазак Даргазы Шериг-оол Ооржак Хову-Аксы суурнун чылыг-электри төвүнүн удуртулгасы-биле 5 дугаар котёлдун бус чылыдар дериг-херекселин база хынап көргөн болгаш турбогенераторну ажылдадып алырының дугайында ажылчыннар-биле база сайгарып чугаалашкан.

#### ТУРЦИЯЖЕ АЪТТАНЫПТАР

Түрк дылдыг чоннарның «Стамбул—Делгемнер—Театр» деп Бүгү-делегей чергелиг фестивал Турцияның Стамбул хоорайга бо айда болуп эртер.

Тываның В.Көк-оол аттыг хөгжүм-ши театры ук фестивальче чалалганы алган болгаш шагда-ла белеткенип эгелей берген турган. Ынчангаш «Ада-чурттуң чаңгызы» деп театржыткан көргүзүлгү программаны бистиң артистеривис аңаа барып

Федералдыг төп биле регионнарның аразында эргелеп-башкарылганы аңгылаар дугайында хоойлу төлевилелдеринге хамаарыштыр тодаргай тайылбырны Чазак Баштыңы чоруткан. Бир эвес Күрүне Думазы Россияның Чазаның кирип турары хоойлу төлевилелдерин хүлээп аптар болза, чылыг-электри төптерин тус черниң чагырга черлери харыылаар апаар. Тыва Республикага хамаарыштыр алыр болза, тус чер чагыргаларының бюджетинче одалга төптерин база шилчидиптер. Ол хире хөй акша-хөренги тус черниң эрге-чагыргаларында чок, байдал дыка нарын апаары билдингир. Тыва Республиканың Чазаа одалга төптеринге дуза көргүзөр дээштиң безин федералдыг хоойлуда көрдүнгөн тускай сорулгалыг акша-хөренгини өскээр чарыгдар эргези чок болур. Ынчангаш, амдыгааштан эгелеп, Хову-Аксы суурну чылыг-биле хандырып турар ЧЭТ орулгалыг ажылдаар аргаларны дилээр болза эки. Биче бизнести сайзырадып, идик септээр мастерская, хлеб быжыраар чер, бажың иштинин эт-херекселин кылыр мастерскаялардан эгелээш, дузалал ажыл-агыйына чедир ажыдып ап болурун Чазак Баштыңы Шериг-оол Ооржак сүмелээн.

Мерген ОНДАР.

#### ЕВРОПА ЧЕМПИОНУ БОЛГАН

Июль 1-4 хүннеринде Болгарияның Варна хоорайга аныктар болгаш элээдилер ортузунга хостуг хүрешке Европа чемпионады болуп эртен.

Аңаа Россияның чыынды командазының кежигүннери бистиң чаңгыс чер-чурттугларывыс Лариса Ооржак биле Аяс Делгер-оол киришкеш, кайызы-даа Европа чемпионнары болган.

Лариса Ооржак беш оюнну ары-биле тиилеп алгаш, удурланькчыларына чаңгыс-даа балл бербээн. А Аяс Делгер-оол үш оюнну арыг ойнап алгаш, 4:1 саныг болуп, тиилелгени чедип алган.

Чаа Европа чемпионнары Лариса Ооржак биле Аяс Делгер-оолга тускай кубоктарны («Самые технические борцы») база тывыскаан.

Бистиң корр.

## 2004 чылдың ийги чартымына өг-бүле бүрүзү "Шын" солунга чагыдылгалыг болзун!

Ийги чартык чылда чагыдылганың өртээ:

#### КОЖУУННАРГА ЧАГЫДАР ӨРТЕКТЕР

Хууда чагыдыкчыларга:  
6 айда — 282 рубль;  
ооң иштинде редакцияга — 120 рубль,  
почта чедирилгези — 162 рубль.  
3 айда — 141 рубль;

пенсиярлерге почта чедирилгези  
25 хуу чиигелделиг

6 айда — 242 рубль;  
3 айда — 121 рубль.

#### ОРГАНИЗАЦИЯЛАРГА:

6 айда — 333 рубль;  
ооң иштинде редакцияга — 150 рубль;

почта чедирилгези — 183 рубль.

#### КЫЗЫЛ ХООРАЙНЫҢ ЧУРТАКЧЫЛАРЫНГА:

6 айда — 258 рубль;  
ооң иштинде редакцияга — 120 рубль;  
почта чедирилгези — 138 рубль.  
пенсиярлерге почта чедирилгези

25 хуу чиигелделиг.

6 айда — 224 рубль;  
3 айда — 112 рубль.

#### ОРГАНИЗАЦИЯЛАРГА:

6 айда — 288 рубль;  
ооң иштинде редакцияга — 150 рубль;  
почта чедирилгези — 138 рубль.

**ЭКСПРЕСС чагыдылга-биле айның кайы-даа хүнүнден эгелеп солунну чагыдып ап болур.**



# ЭРЗИНДЕ ЛАГЕРЬЛЕР

Уругларның чайгы дыштанылгасы

## ШКОЛА ЧАНЫНДА

Кожуунун школаларын эрткен өөредилге чылында ниитизи-биле 1650 өөреникчи өөренип дооскан. Оларны 108 башкы, 6 улуг вожатыйлар, 10 социал башкылар, 5 библиотечкалар, 4 психологтар, 3 логопед башкылар өөредип доостурган. Башкыларның 85 хуузу дээди эртемниг, эге школа башкыларының 98 хуузу дээди болгаш тускай ортумак эртемниг. Кожуунда дээди категорияның башкыларының саны 8 хуу, бирги категорияның 25 хуу, ийги категорияның 18 хуу бооп турар.

Чайгы дыштанылга эгелээн-даа болза, школаларда башкыларның ажылы ам-даа уламчылавышаан. Кожуунун 8 школаларының чанында чайгы лагерлерде ниитизи-биле бирги сезонда 100 уруглар дыштанган, амгы үеде ийги сезонда база-ла 100 кижидин түлүк дыштанып турарлар. Олар школа даштында тараан ногааларны, чечектерни, ыяштарны суггарып, картофельди ажаап-карактап турарлар. Колдуунда ында өскүс, чартык өскүстер, хандырылгасы чегей өг-бүлелерниң уруглары дыштанып турар.

Нарын ортумак школазының чанында чайгы лагерни 20 ажыг чыл дургузунда география башкызы Галина Степановна Комбу удуртуп келген. Ол школага 30 ажыг чылдар дургузунда ажылдап келген арга-дуржулгалыг башкы. Школаның шөлүнге тараан помидор, огурец, кабачок, морковь, перец, картофельди уруглар суггарып, чашпан-бокту чулуп, улуг дузаны көргүзүп турарлар. Күзүн ажаап алган дүжүдүн школаның интернадынга дужаап турар. Чижээлээрге, эрткен күзүн ногаа аймаандан аңгыда, 5 тонна картофельди дужааганнар. Бо бүгүдөн кирген орулганы школаның тускай агар санынче кирип турар. Уругларның мынчаар дыштанырынга үнер чарыгдалдарны кожуунда Чонну ажылга хаара тудар төп (даргазы С.Н.

Сотпа) үндүрүп турар.

Чоокта чаа бо лагерниң уруглары кожуунун «Отчугаш» лагеринче барып, арга-дуржулга солукшаннар. Ол лагерни Эрзин ортумак школазының башкызы Байлак Дамдын-Сүрүновна Ооржак удуртуп турар. Ында бо хүннерде 60 уруглар дыштанып турар. Спортчу маргылдааларның түннелинде баскетболга Нарын школазы, а волейболга «Отчугаш» лагери тус-тузунда тиилээннер.

Нарын школазының чанында уруглар лагери чылдан чылче улам сайзырап, чаа-чаа чүүлдерни ажылынга немеп ап турар. Олар бүдүн чай дургузунда үш сезонда ажылдап турар. Спортчу оюннар кол черни ээлеп турар болганда, күш-культура башкызы А.М. Соян-оолдун кириген үлүг-хуузу улуг. Оон аңгыда лагерге школа директору (О.К. Севек), сумуда өг-бүле төвү (В.Б. Дондуп), № 2 уруглар сады (Р.Б. Аракчаа) дузалажып турар.

Өг-бүле төвүнүн аш-чем хандырылгасы эки, хөгжүм херекселдери, чымчак бөмбүктөр, стол-сандай дээн чижектиг эртерекселдер-биле долу хандырылган.

Нарын суурже чоокшулап кээрге, лагерниң туктары хөлбөңөп, уругларның омак-хөлгүт шимээн-даажы аалчыларны уткуп алып. Ам олар Тере-Хөлче агаарлап чедеринге кидин түлүк белеткенип турарлар.

## МУЗЕЙ — ТӨӨГҮВҮС

Кызыл-Сылдыс школазында музей 1998 чылда тургустунган. Чайгы дыштанылга үезинде школа чанында лагерьде дыштанып турар уруглар хостуг үезин аңаа эртирип турарлар.

Ында суур төөгүзү, школа амдыралындан тускай булуңарны тургузуп, эрги шагның эдилелдери, дериг-херекселдери, казымал байлактар коллекциязы, эм үнүштер аймаан делгеп көргүскен. Ада-чурт дайынының, күш-ажыл хоочуннарының булуңары, школаның пионер организациязының төөгүзүн, атрибуттарын делгээн. Школаны аңгы-аңгы чылдарда директорлап чорааннарның, ооң доозукчуларының чуруктары, альбомнарын дерип, шимеп каан. Ол ышкаш суурнуң, колхозтуң үндезилекчилеринин чуруктарын, допчу намдарын делгээн тускай стенд бар. Россияның 1915 чылдагы 15-20-ниң көпөөктери, ТАР үезинде акшаның моделин көргүзүп салганын уруглар сонургап турар.

Музейниң таван школада төөгү башкызы Зоя Кандановна Калин салган. Школа директору (М.Серембил) музейге доктаамал сагышты салып, чылыг,

чырык бажыңны тускайлап бергени өөрүнчүг. Тываның Россияга каттышканындан бээр 60 чылынга тураскааткан хемчеглерни өөреникчилер ортузунга бо музейге эрттирери чаңчыл апарган. Музейниң чөвүлели, медээчилери чүгле школачылар аразынга эвес, а суурнуң улуг-бичии чурттакчыларының аразынга улуг ажылды чайгы үеде чорудуп турарлар. Чоокта чаа 4 класстың өөреникчилери башкылар Татьяна Хүлер, Радомир Ынаалайның удуртулгасы-биле уран талантызын суурнуң чонунга бараалгатканнар. Көрүкчүлөр Балжиния Идамның ырлаанын магадааннар.

Күш-ажылдың болгаш дайынчы алдарның булуңунда Эрзин чурттуг эки турачылар Данил Дажымба, \* Чамзырың Кыргыс, Сынаа Кыргыс (Галина Доваадор) оларның чуруктарын делгей азып, сактыышкынарын бижип аскан. Школа музейи суурга келген аалчы бүрүзүнге кезээде эжи ажык, кирип моорлаңар!

## ЯДАМЫКТА ЯЛА ЧОК

Кожуунда өг-бүлелерге болгаш ажылдакчы хаара туттунган. Олар-уругларга социал дуза чедирер төп ның 16-зы кожуун төвүнде, 4-ү 1994 чылдың он айда тургустунган. сумуларда, а 6 кижин Нарын суурда Ону Раиса Балдановна Доржу удуртуп турар. Ында ниитизи-биле 26 турарлар.

Төптүн кол сорулгасы — чединмес болгаш хөй ажы-төлдүг өг-бүлелерге ачы-дуза чедирери. Өөредилге үезинде 20 уруглар бо төпке хүнзеп, онаалгазын кылып, янзы-бүрү бөлгүмнерде киржип турар. Ылангыя аргып-даараарының бөлгүмүнге уруглар сонургалдыг болуп, хөйү-биле хаара туттунган. Оларны хүнде бир катап изиг чем-биле чемгерип турар. Кол кичээнге ийи инвалид уругларже салып турар.

Төп бедик мергежилдиг социал ажылдакчылар, психологтар-биле хандырылган. Чижээлээрге, социал ажылдакчылар Аяна Эзир-ооловна Дуккар, Мария Хереловна Билбаа олар боттарының даанган ажылынга ак сеткилдиг болуп, уругларга компьютер-биле ажылдаарының аргаларын база чаа хевирниң оюннарын өөредип турарлар.

Психолог башкы Ульяна Семеновна Лойгу Бай-Даг школазынга 33 чыл башкылааш, бо төпке кээп ажылдаан. Ол

— аныктарга бодунуң билиг-мергежилдин дамчыдып чоруур дагдыныкчы.

Бо хүннерде өг-бүлелерге болгаш уругларга социал дуза чедирер төптүн ажылдакчылары Тываның Россияга каттышканындан бээр 60 чыл оюнга белеткенип, иштики-даштыкы септелгелерни чорудуп, өрээлдерни чаа

езу-биле дерип турарлар. Ногаа, картофель тараан шөлде ийи ажылдакчы хаара туттунган, 10 дагааларны база ажаап-карактап турарлар. Төпке чеде бээрге-ле, ында ак сеткилдиг кижилер ажылдап турар дээрзи дерилгезинден, эт-севин өрээлдерге таарыштыр салганындан илден көстүп турар.



Нарын суурда салбырның бичии чаштары.

## ЭКОЛОГИЯ БӨЛГҮМҮ

Кожуунун девискээри — колдуунда камгалалдыг черге хамааржыр, экология талазы-биле арыг-силиг, каас-чараш булуңарның бирээзи. Ынчангаш «Убса-Нур ыйгылаажы» заповеднигинин ажылдакчылары уругларның чайгы дыштанылгасынче улуг кичээнге ийи салып, кожуунун өөредилге килдизи-биле сырый харылзаалыг ажылдап турарлар. Тере-Хөл кыдының майгынар лагери тургускаш, суму бүрүзүндөн уругларны дыштандырып, школаларда экология бөлгүмнерин организастан турар.

Чижээлээрге, Кызыл-Сылдыс ортумак школазында тургустунган бөлгүмде 5-6 класстың 10 өөреникчилерин анык башкы Борбаанай Михайловна Буду удуртуп турар. Олар долгандыр турар бойдушту хайгаарап, кижилерниң күскү үеде ажылы-биле таныжып, хайгааралдар дептеринче кири бижип, школа чанында ногаа тараан шөлдүн дүжүдүн ажаажып турар. Школага эртип турар биология неделясында эм оытар, ыт-кады, чыжыргана, долаана, чодураа дээн чижектиг каттарны чыы-

рынга улуг үлүүн кирип турарлар.

Бөлгүмнүн кичээлдери колдуунда бойдусче үнүшкүнүг, экскурсия хевирлиг кылдыр янзы-бүрү темаларга эртип турары солун. Чижээлээрге, «Аргада час», «Ховуда күс», «Аргада кыш», «Харда истер», «Суурнуң бок төгөр чери» дээн ышкаш. Кичээлдерге эн-не кол черни шинчилел ажылы ээлеп турар. Бир темада ийи кижин ажылдап турар. Шинчилеп турар ажылдары база аңгы-аңгы. Чижээлээрге, «Суур чоогунда куштарның хевирлери», «Дириг амытаннарның хевирлерин хайгаараары», «Суур чоогунда үнген үнүштерниң гербарийин чыып кылыры». Өөреникчилер бо ажылдары-биле кожуунун школачыларының аразынга эрткен «Кожуунуну билир сен бе?» деп эртем-практиктиг конференциязынга киришкеш, эки түннелдерни чедип алган.

## ТУСКАЙ КОМИССИЯ

Кожуун чагыргазының коллегиязынга апрель төнчүзүнде 2003 чылда уругларның чайгы дыштанылгасын түннээш, бо чылын кылыр ажылдарны дугуржуп чугаалашкан.

Чайгы дыштанылга комис-

сиязын чагырга даргазының социал политика талазы-биле ораалакчызы Серенчаа Арапчаевна Сагды удуртуп турар. Дыштанылга лагерьлери эгелээр мурнунда санэпидстанция эмчилери, өрт чериниң база аныктар ортузунга ажыл чорудар ажылдакчылардан тургустунган комиссия улуг хыналданы кылып, чедер-четпес ажылдарны илередип кылдырган. Лагерге ажылдап чайлаар ажылдакчыларга эмчилер, өрт чериниң специалистери тускай семинарны эртирип, поварларны өөрткен. Ылангыя саргы энцефалиди, халдавырлыг аарыглар база өрт айыылын болдурбазының дугайында сүмелерни эмчилер берген.

Эрзин биле Нарын суурлар аразында кожуунун «Отчугаш» лагерин ийи удаа хынааш, июнь 18-те бирги сезонну ажиткан. Ында суму бүрүзүндөн ниитизи-биле 60 уруглар дыштанып турар. Ийги сезонда 80 уругларны хүлээп алыры көрдүнген. Культура-массалыг ажылдар бедик деңгелге эртип, хемнер, хөлдерже селгүүстээшкенин тускай тургускан план езугаар чорудуп турар. Аш-чемниң шынарынче кол кичээнге ийи салып, аргалыг-ла болза, кылымал эвес, а мал сүдү, тараң, эът аймаа-биле уругларны чемгерип турар.

Арынны Римма ЧАВЫНЧАК белеткээн.  
Эрзин—Кызыл



# ЧОРГА АРАЛЫВЫС

маадырлары малчын Үрүле Кандан, тудугжу Данзырык Калдар-оол, композиторлар: Алексей Чыргал-оол, Дамба Хүреш-оол, артистер Хүргүлек Конгар, Николай Өлзей-оол, Хензиг-оол Күжүгет, Александр Салчак, Ширийн-оол Хертек, Солун-оол Люндуп, чазаныр шеверлер: Тойбухаа Хертек, Көгел Саая, Дондук Дойбухаа, Владимир Салчак, башкылар Арыя Алдын-

оол, Кимаа Март-оол, Борбак-оол Араптаң, чогаалчылар: Сайлыкмаа Комбу, Тайгана Очур болгаш өске-даа он-он кайгамчыктыг кижилерни аңаа хамаарыштырып болур. Амгы үеде кожуунуң мал, чер ажылында, сайгарлыкчы ажыл-херекте, өөредилгеде, культурада, кадык камгалалында болгаш ажыл-агыйның өске-даа адырларында бодунуң онаашкан херээнге сагыш-

сеткилинден бердинген хөй санныг бай-тайгажылар ажылдап чоруурлар. Ындыгларның одуруунда эрткен чылын хөй хураган менди доруктургаш, республика чемпиону болган Чойган Биче-оол (Бай-Тал), картофель өстүреринге мергежээн "ТР-ниң көдээ ажыл-агыйының алдарлыг ажылдакчызы" Сергей Монгуш (Кызыл-Даг), малчыннар Артыш Тере-Мөңгө, Чочагай Сыр-

гыт-оол (Бай-Тал), Ортаат Болатмаа (Тээли), Хемчик Иргит (Ээр-Хавак), Эрес Успун-оол (Кызыл-Даг) болгаш өскелер-даа кирип турар. Бай-тайгажылар Тываның Россияның составына каттышканының 60 чылының болгаш Кызыл хоорайның тургустунганының 90 чылының байырлалдарын күш-ажылчы чедишкннерлиг уткууру-биле шалыпчы ажылдап турарлар.

## ЭЭЗИ ТАЙГАМ

2760 башка өстүрген, 4150 анай, хураганы менди алган, чүс баш төрүүр малга онааштыр 83 чаш төлдү доруктурган. "Мөңгүлек" хойжу бригадазы (бригадаири Айлаң Хертек) 3951 төрүүр хоюндан 3811 хураганы алган, чүс башка онааштырарга 96 болган. Хойжу Чочагай Сыргыт-оол төрүүр 368 хоюндан 566 хураганы, чүс башка онааштыр 155-ти менди доруктурган. Ынчангаш бо малчын кожуунда амдызында бирги черде чоруп орат. Шолбан Салчак төрүүр чүс баш хоюндан 122 хураганы доруктургаш, ийги черни ээлеп турар. "Кызыл-Даг" муниципалдыг каттышкан бүдүрүлгө шээр малды өстүрер дээш боттук хемчеглерни ап турарындан малчыннарның көргүзүлгери экижип орат. Кадарчы Эрес Успун-оол 213 хоюндан 277 хураганы доруктурган, чүс баштан-на 120 хураганы алган. Биче көдээ ажыл-агый кооперативтеринде мурнакчылар эвээш эвес. Кызыл-Даг сумузу-нун "Ооруг" аттыг биче кооперативтин дуртукчузу Макар Сат 698 төрүүр хоюнуң чүс баштан-на 110 хураганы алгаш, өске өөрүнге үлегерин көргүскөн. Кожуунда он алды арат-тараачын

ажыл-агыйы бар. Оларның иштинден Сергей Монгуш (Кызыл-Даг) чер ажылы-биле чергелештир малды өстүрүп турар. Чүс баш төрүүр малындан 95 анай, хураганы ол менди доруктурган. Мен чүгле эң эки көргүзүлгелерин малчыннарны ададым, төрүүр чүс баштан чүстен ажыг анай, хураганы алганнар бистиң кожуунда дыка хөй, оларны шуптузун адаары бо кыска материалга болдунмас. Сүт, дүк бүдүрер онаалдарны бай-тайгажылар ажыр күүсеткен. 68 тонна дүктү кыргып алыр тургаш, 80 тонна ажырган, даалганы 117 хууга боттандырган. Эът бүдүрериниң берген онаалдазын күүседип шыдавааныыс четпес болган. Кожуунуң девискээринде ойт-сигенниң үнүжү эки. Малчыннар чайның магалыг айларында малдарының одарын, сугадын шын таарыштырып тургаш, семиртилгени эки организаастаар, келир кышка хынамчалыг белеткенир дээш ажылдап турарлар. Владимир САЛЧАК, кожуунуң көдээ ажыл-агый эргелелиниң кол зоотехниги.

## ШЕВЕРЛЕРНИҢ САЛГАКЧЫЛАРЫ

Бай-Тайгага төөгүден бээр өг, аът дериг-херекселдери, кижиниң эдилелдерин, идик-хевин кылыр, даш чонар, кара болгаш өннүг демир аймаандан язы-бүрү каасталгалар шуткуур сурагылыг чазаныр, дарганнаар, даараныр кайгамчыктыг шевер кижилер чурттап, ажылдап чорааннар. Шеверлерниң ажыктыг ажыл-херээ, чаагай чаңчылдары салгалдан салгал дамчып, ниитиледип хөгжүлдезиниң аайы-биле бурунгаар сайзырап келген. Бай-Тайганың кожуун чагыргазының удуртулгасы, школалары тыва улустуң чаңчылдарын, езулалдарын, ылаңгыя шеверлериниң язы-бүрү мергежилдерин аныяк салгалга дамчыдып бээр, нептередир, ону улам сайзырадыр дээш сөөлгү чылдарда биче эвес ажылды чорудуп турар.

Салым-чаянның аныяктарны даш чонарынга, чуруунга өөредир-биле Тээлиге 1981 чылда уран чурулга школазын ачыткан. Ону Тойбухаа Хертектин ады-биле адаан. Бо үениң дургузунда школа хөй санныг даш чонар, чазаныр, чуруур аныяктарны өөредип кижизиткен. Оларның кылган ажылдары хөй делгелгелерге киришкен. Ылаңгыя Москвага, Красноярскиге, Новосибирскиге, Ровнога, Кызылга болгаш өске-даа хоорайларга эрткен делгелгелерге шылгараан. Школа ажыл-чорудулганы чедишкнниң уламчылавышаан. Тээлиниң №13 профучилищези 1998 чылда ажыттырган. Аныяк салгалды даш чонарынга, чазанырынга, дааранырынга белеткээр, компьютер операторунга өөредир салбырлары аңаа ачыткан. Оң директорунга өөредилге шугумунга хөй чылда ажылдаан арга-дуржулгалыг Чап Донгакты томуйлаан. Ажыл-агыйы, тывыгыр-сагыгыр, чогаадыкчы бодалдарлыг кижилер болгаш, чаа училищениң өөредилге-кижизидилге ажылын чогуур деңгелге ол организаастап шыдаан. Чүгле бо чылын өөредилге



Тээлиде уран чурулга школазы.



Мастер башкы Сергей Кочаа.

ликада дээрэ ажылдыгларның санында кирген. Кызыл-Даг ортумак школазы "Өөредилге системазынга национал культураны ажыглаары" деп темалыг республиканың өөредилге-дуржулга шөлү болуп турар. Мында школачыларны ыяшка чуруур уран чүүлге, национал танцыга, чонар-даш чонарынга, алгы-кештен эдилелдер кылырынга, даарап-аргырынга өөредип турар. Устүнде адаан мергежилдерге үш чыл иштинде хөй өөреникчилерни хандыкшыткан, өөреткен. Олар делгелгелерге, көрүлгелерге киришкеш, каш удаа шаңнаткан. Алгы-кештен эдилелдер кылырынга өөредир мастер башкы "ТР-ниң культуразының алдарлыг ажылдакчызы" Сергей Кочаа, даш чонарынга хандыкшыдар мастер башкы "ТР-ниң культуразының алдарлыг ажылдакчызы" Владимир Салчак сөөлгү үеде чаартыкчы, чогаадыкчы езу-биле ажылдап киргенер. Бо бүгү ап чорудуп турар хемчеглерниң ачызында кожуунда аныяк шеверлерниң саны чыл келген тудум-на көвүдөп, билии, мергежили бедип турар. Кара-оол КҮЖҮГЕТ.

## КӨРҮКЧҮЛЕРНИ ӨӨРТҮР

Рада Хертек школачы чылдарында-ла танцыга хандыкшылдыг чораан, бот-тывыгыр уран чүүл көрүлгелеринге чаңгыс эвес удаа киришкен. Кызылдың уран чүүл училищезиниң клуб салбырынга кирип алгаш, ооң чажыттарын, ужур-дузанын улам хандыр шингээдиң алган, езулуг танцылаар мергежилдиг болган. Амгы үеде Кызыл-Даг ортумак школазында танцы башкылап турар. Школачыларга танцыны чүгле өөредип турар эвес, тыва танцыларны боду чогаадырынга шуут мергежий берген. Тыва улустуң чаңчылдарынга, езулалдарынга, алгыш-йөрээлдеринге, шажын-чүдүлгезинге, амыдыралына, чурталгазына Рада Владимировнаның чогааткан танцыларының утка-шынары үндезилеттинген. Ынчангаш чонга солун, билдингир болуп турар. Ооң чогааткан танцылары республика, кожуун чергелиг көрүлгелерге киришкеш, мактадып, шаңнадып келген. Раданың өг-бүлези кожуунга эртип турар мөөрейлерге доктаамал киржип келген. Чогаадыкчы өг-бүле деп мөөрейге



Танцы башкызы Рада Хертек.

бирги черни алган. Уруу Анай-Хаак авазының соон салгаан танцылаарына кончуг хандыкшылдыг. Рада Владимировнаның чогаадыкчы бодалдары хөй, солун, утка-шынарлыг танцыларны ам-даа чогаадыр, ооң-биле көрүкчүлери, танцы-самга ынактарны өөртүр. Бистиң корр.

## КЫРЫ ШИМЧЭЭРГЕ...

"Тээли" совхозтун Ээр-Хавак сүт-бараан фермазы республикага мурнакчыларның бирээзи турар үеде Хемчик Иргит мурнакчы бызаа ажаакчызы, өөнүң ишти маадыр ие Караш Иргит дээрэ саанчы турган. Күш-ажылы дээш олар каш удаа шаңнадып-даа чорааннар. Иргит Чыргалович "Хүндүлелдин Демдээ" орденге төлептиг болган. Рынок экономиказынче шилчилге үезинде ферманың ажыл-чорудулгасы буурап дүшкен. Иргиттерниң өг-бүлези хуу дузалал ажыл-агыйын хөгжүдеринче киргеннер. "Кыры-ла шимчеп турар болза, хырын кажан-даа аштавас" деп Хемчик Иргит кадайына, хөй санныг уругларына бо-ла чугаалаан орат. Ынчангаш бир демниг хуузунда мал өстүреринче киргеннер. Каш чыл эрткенде оларның малы-даа, ажы-төлү-даа өскөн. Рынок экономиказының таварыштырган бергелерин чийги-биле ажып эрткен, тодуг-догаа, каас-коя, омак-хөглүг чурттап оратлар. Өг-бүле сес чүс хире шээр, чеден хире бода



Малчыннар (солагай талазында) Хемчик Иргит, Көк Күжүгет, Караш Иргит.

малдыг. Чылдың-на баш саны өзүп орат. Иргиттер кожуунуң мурнакчы араттарының санында кирип, мактадып турарлар.

Бай-Тайгага тураскааткан арыннарда материалдарны Таан-оол Хертек белеткээни, чуруктарын тырттырган.

## ИРГИТТЕРИМ – ЧАЯННАРЫМ

Алыс дөзүн сураар болза, Алтай, Делег аймак улус, Ием-адам ижиктирген, Иргиттерим — төрелдерим. Хүндүлээчел аажы-чаңныг, Хүрөң-кызыл шырайлыглар, Олут орбас, малын малдаан, Омак-хөглүг Иргиттерим. Аргар-кошкар хою-биле Аразында катай оъттаан, Хемчик-Бажы чурттуг болгаш,

Хедер-чоргаар Иргиттерим. Чарын салып өрттеткештин, Аскан малын истеп алыр, Чүдүлгези ыдык-бедик, Ачылыг бай Иргиттерим. Делег чоннуң салгалдары, Делгелерим — өгбелерим, Ишти-хөңнүм изиг ынак, Иргиттерим — чаяннарарым. Светлана САМБЫЙ-ООЛ.





